



Carlos Blanco, Fred Martins e Uxia (de esquerda a dereita), onte, cantando no Concello. DAVID FREIRE

## O privilexio dos cantos

► O festival lusófono 'Cantos na maré' xuntará en Pontevedra o vindeiro 19 de decembro a Fred Martins, Tito Paris e Raquel Tavares

**BELÉN LÓPEZ**

«Temos un privilexio», sinalaba onte o actor arousán Carlos Blanco no Concello de Pontevedra. «Cos brasileiros entendémonos perfectamente. E máis alá hai incluso una conexión no sentido do humor». O músico Fred Martins coincidía con el. «Entre todos os países lusófonos existe unha proximidade que actualiza e fortalece este festival. Temos detalles musicais semellantes e tamén na maneira de ser».

Blanco e Martins coincidiron na presentación da sétima edición de 'Cantos na maré', un evento que coordina Uxia Senlle e que se cele-

brará o 19 de decembro no Pazo da Cultura. Desta vez os artistas que subirán ao escenario serán o caboverdiano Tito Paris, a portuguesa Raquel Tavares e o brasileiro Fred Martins. Este último xa estaba onte en Pontevedra para colaborar na presentación do festival... incluso cantando.

As entradas para o festival 'Cantos na Maré' están á venda en [www.servinova.es](http://www.servinova.es) e no 902504500 a un prezo de 10 euros

Senlle explicou que este ano, por primeira vez, 'Cantos na maré' xa se celebrou antes de chegar a Pontevedra. Fixose hai unhas semanas no Brasil. «Porque o caso é que este espectáculo naceu con vocación viaxeira, con intención de moverse por todos os países que nel están implicados», contou Uxia. Ese debut no Brasil era precisamente o que xustificaba a presenza de Carlos Blanco onte no Concello: o arousán viaxou para participar no espectáculo ao outro lado do Atlántico. «E curiosamente, nun país tropical, o que botei en falta foi a calidez do público pontevedrés. É curioso, non?».

## O fotógrafo José Romay pinta de 'grande azul', o Museo do Mar de Galicia

VIGO. 'No Grande Azul' é o título da mostra que se inaugura hoxe no Museo do Mar de Galicia (20.00 horas). A exposición xurdiu do traballo que o gañador da 'Bolsa de creación fotográfica: O Mar', José Romay, ten desenvolvido nos últimos meses tras obter o premio que convocan o Museo do Mar e o Centro de Estudos Fotográficos -CEF-.

O fotógrafo pontevedrés, tras gañar o concurso no mes de maio, tivo a oportunidade de embarcarse no barco Cantábrico III rumbo ao Gran Sol, onde realizou a maior parte do traballo que agora se expón. Xa de volta elixiu 30 imaxes para a mostra.



## O deseñador valenciano Ángel Luis González gaña o VIII Concurso Francisco Mantecón de Deseño

Más de 1.400 obras de todo o mundo participaron este ano no Concurso Francisco Mantecón de Deseño, que convocan as adegas Terras Gauda. A entrega de premios tivo lugar onte en Vigo e estivo presidida por Alberto Núñez Feijóo. O gañador do primeiro premio (10.000 euros) foi o deseñador valenciano Ángel Luis González. DP


CAIXAGALICIA  
exposicións



Mercado, vendedoras de castañas. A Coruña, 8 decembro 1925

## Ruth Matilda Anderson: Unha mirada de antano

Ata o 28 de febreiro  
Sede Fundación Caixa Galicia  
A Coruña



## Auga, o sangue da terra

Ata o 28 de febreiro  
Sede Fundación Caixa Galicia  
Ferrol



Juan Muñoz, Laughing Chinese man with mirror

## MIRADAS

Cara ao paraíso  
Ata o 30 de marzo  
Sede Fundación Caixa Galicia  
Santiago

unete. divirtete. emocionate.  
caixagaliciate

CAIXAGALICIA

[www.fundacioncaixagalicia.org](http://www.fundacioncaixagalicia.org)